


野談
九



青邱野談卷之九

試神術土亭聽夫人

土亭李之菡生而穎悟天文地理及醫藥卜筮術數之學無不通曉未未之事預先知之世皆稱以為神人而足繫一圓郭杖下又繫一圓郭行于海水之上如踏平地無虞不往如蒲湘洞庭之勝皆目見而未周行四海以為海有五色分四方中央而隨其方位而同色云竊極貧寒朝夕無以供而不以介于心一日坐於內堂夫人曰人皆稱君子之神異之術云見今之糧將絕大矣何不試神術而救此急也公笑曰

夫人之言既如此吾當少試之矣命婢子持一鉤器而諭之曰汝持此器往京營橋前有則一老嫗以百金願買矣汝可賣未婢子承命而往則果有老嫗三顧買者如所指教仍捧價而來又命曰汝持此而往西門外市上則有窮豎人以匙箸博欲急賣矣汝以此錢買未婢子又往則果符其言持匙著未納即銀匙著也又命曰汝持此而往畿營前下隸方失其銀著而未求同色者矣示此則可以捧十五兩錢而垂慮矣汝可賣未婢子又往見則又符其言捧十五兩而未更以一兩錢給婢而言曰買器之老嫗初失食器而欲代之矣今焉得其所失之器而欲還退汝可還退而未婢子又往見果然矣仍還退其器

而求以其錢與器傳于夫人使作朝夕之費夫人更請加
數則笑曰如斯近矣不必添加其神異之事類多如此

感妖妓冊室遜知印

鄧判書始民之為箕伯也其侄注書尚墨在冊室嬖妓閔
愛而沉惑循吏使不離側外域時有李座首者累萬金鉅
富也封錢一千兩而言若使閔愛一與我接言則當給此
錢云人有傳之者閔愛欲其錢而無計出外一日自外
相約於李某而對注書進賜暗、垂簾則注書恠而問之
對曰小人早失生母就養於外祖母矣今日其亡日也而
外家無人奉祀勢將闕祭故是以悲之注書聞其言而憐

之自營庫備給祭席而使之出去行犯心猶疑之密送近侍之知印使之探之則祭是虛言而方與李某行樂突入以所見白之汪書勃然大怒急起向宣化堂叩門時夜已半使道驚覺而問之曰汪書乎何為不寐而來也對曰閤愛欺我以有祭而出去方與外城李座首某行樂寧有如許切急之事乎願大人急撥羅卒男女並挺入嚴治之使道責曰此是胡大事而半夜三更如是作怪速為還去安寢可也汪書頓足曰大人若不聽小子之言則有死而已使道咄嗟曰下去矣仍呼侍者招入、番捕校而分付曰汝等入番羅卒盡數出去深圍閤愛邸而其男女一索縛

來捕校承命而出以卒圍其家而校立其門前使之開門
則時微雨李某在房而戰慄閔陵曰火勿驚恟收拾衣冠
自後抱妾之腰云而以裳蓋頭仍以覆李哥之身有若避
雨者趨出而應於門內曰不知何許人而夜來叩門校曰
不須問誰某速、開門閔陵曰開門何為仍開門而潛使
李哥隱身於門扇之後校卒輩不顧而直入房內乘此時
李乃出門而使避于其前廊三和妓娘伊之廊矣校卒遍
搜于房內外無人閔陵問曰何為而來校卒荅曰使道分
付汝與外城李某同寢使吾輩一索縛來云故耳李哥何
在閔陵曰此處之無人君輩所目見也李非蠅蚊之微物

豈可隱置乎曲之搜見可也校乃遍索而不得矣不得已
還告此由而置之矣其夜閑愛與李哥行樂於娘伊之臥
而翌日作書告誅曰小人侍進賜別無得罪而半夜動軍
搜驗家內小人逆家手何為而欲籍沒也小人雖不得被
上德於進賜何忍被隣里之嗤笑乎從今以後無更對之
顏面矣願進賜更勿念如妾醜行之類更擇絕代人中潔
行者薦枕焉妾亦人也何可於外祖母忌日而行淫乎云
矣注書怒而數日絕之終不能忘情以書招之則解不入
如是者又數三月矣注書終不能忘情一日之內往復至
於五六次而終不肯仍問曰是誰之言也若指示其人則

當入去矣。汪書不得已而以知印為對。則荅曰：此知印乘
進賜之不在常執妾手故。妾果批其頰矣。以此嫌故。至有
此誣告。此知印若逐出而治罪。則當入去云。汪書不得已
分付首吏使之嚴治。而除案黜之。閨愛始入來矣。其後李
座首以為吾初以千金許汝矣。汝之奇謀令人可服。使我
得免伊時之辱者。尤可奇矣。加以五百金。以此錢買城內
大屋而居住云矣。

矜朴童靈城主婚

朴文秀以繡衣轉行他邑。日晚不得食。頗有饑色。仍向一
人之家。則只有一童子。而年近十五六矣。向前乞一飯。罷

則對曰吾則偏親侍下而家計貧窮絕火已數日無飯與
客文秀因慙少坐童子屢瞻見屋漏之紙井微有慘然之
色而解井入內數間斗屋戶外即其內堂也在外聞之則
童子呼母曰外有過客失時請飯人飢豈可不顧耶糧米
絕乏無以供飯以此炊飯可笑其母曰如此而汝親之忌
事將闕之于童子曰情理雖切迫而目見人餓何可不救
乎其母受而炊之文秀既聞其言心甚惻然童子出來文
秀問其由則荅曰客子既聞知不得欺笑吾之親忌不遠
無以過祀故適有一升米作紙井懸之雖闕食而不喫矣
今客子飢餓而家無供飯之資不得已以此炊飯笑不幸

為客子所聞知不勝慙愧云方與斟酌之際有一奴子
來言朴都令斯速出來其童子哀乞曰今日則吾不得
去矣文秀聞其姓則乃是同宗也又問彼來者為誰曰此
邑座首之奴也吾之年已長聞座首有女故通婚則座首
以為見辱云而每送奴子捉我而去梓申海辱無所不至
今又推捉矣文秀乃對其奴而言曰吾乃此童之叔也吾
可以代往飯後仍隨奴而往則座首者高坐而使之捉入
云文秀即上廳坐而言曰吾侄之班閹猶勝君而特以家
貧之故通婚於君矣君如無意則置之可也何每捉
未示辱乎君以邑中首鄉有權力而然耶座首大怒捉入

其奴而叱之曰吾使汝捉來朴童矣汝何為捉此狂客而
未使汝上典見辱乎汝罪當笞文秀自袖中露示馬牌曰
汝焉敢若是座首一見而面如土色降于階下俯伏曰死
罪文秀乃曰汝可結婚乎對曰焉敢不婚又曰吾見曆
三朔即言日伊日吾當與新郎偕來矣汝可備婚具以待座
首曰敬諾文秀仍出門直入邑內出道謂其本官曰吾有族
侄在於某洞與此邑首鄉過婚而期在某日伊時外具及
宴席自官備給為好本官曰此是好事何不優助謹當如
命又請隣邑守令當月文秀乃請新郎於自家下處具
冠服而文秀備威儀隨後座首之家雲幕連天盃盤狼藉

座上御史主壁諸守令皆列坐座首之家一層生光輝矣
行禮後新郎出未御史命拿入座首々叩頭曰小人依
分付行婚禮矣御史曰汝田與苗幾何曰幾石數矣曰分
半給婿乎曰焉敢不然奴婢牛馬幾何器皿沐物亦幾何
答曰幾口幾疋幾件幾箇矣曰分半給女婿乎答曰焉敢
不然御史命書文記而證人首書御史朴文秀次書本官
某々邑倅某列書而踏馬牌仍以轉向他處云

擇孫婿申序善相

申判書鉅獅寒竹堂有知人之鑑喪獨子有遺腹女年及
笄矣其孀婦每請于其舅曰此女之郎材尊舅必親自相

之而擇之中公曰汝求何許卽材對曰壽至八十位至大
官財富多男子之人則幸矣公笑曰世豈有如此兼備之
人手若副汝願梓難得矣伊後出門而歸則汝問卽材之
可合者每、如是笑一日中公乘軒而過牕洞群兒嬉戲
叢中有一兒年可十餘歲而蓬頭突髻騎竹而左右跳踉
公停輅熟視則衣不掩身而何目海口骨格異凡仍命一
隸使之招來則掉頭不肯公使諸隸扶持以來其兒號哭
曰何許宦負空然挺我、有何罪而如是耶諸隸擁至輅
前公問曰汝之門閭何如人也對曰門閭知之何為吾是
兩班也公又問汝年幾何而汝家何在汝姓云何對曰欲

捧庖軍丁乎何為而問姓名年歲居住也吾姓俞氏也吾
年十三也吾家在越洞矣何為問之速放我云公放送而
尋其家則不蔽風雨之斗屋也只有寡居之母夫人公招
婢子傳喝曰我是某洞居申某也吾有一介孫女方求婚
矣今日定婚於宅都令而去云云而仍飭下隸歸家慎勿
言仍適他暮歸則孀婦又問郎材公笑曰汝求何許郎材
其孀婦對如初公又笑曰今日得之矣孀婦欣然而問誰
家之子家在何處公曰不汝知其家矣後當知之仍不言
矣及到迎綵之時始乃言之自內急送解事一老婢往見
其家訖之貧富郎材之妍醜其婢子回告曰家是數間草

屋不蔽而風雨竄下生苔鼎上有蛛絲而郎材則目大如
筐髮亂如蓬無一可取無一可見吾小姐入門之後則杙
曰必當親執矣以吾小姐如花如玉生長綺紈之弱質何
可送于如此之處乎孀婦聞此言膽落魂飛而即受綵之
日也事到無奈何之境仍飲泣而迨迎郎之具矣翌日新
郎入未行禮孀婦審視果如婢言而即一可憎之郎也心
焉如碎而無奈何矣過三日後送郎矣夕時新郎又來申
公問汝何為更來也新郎曰歸家則夕飯無期且有順歸
人馬故還來矣公笑而留之自此每夕留在而連日內寢
新婦以弱質之女子見惱於丈夫幾至生病之境矣公憂

之諭曰汝何為連日內寢也今日可出外與妾同寢可也
新郎曰敬受教矣及夜公就寢而新郎寢具鋪之於前矣
乍合眼則俞即以手捥公之臂公驚曰此何為也新郎對
曰小婿果不安其寢皆夢之中每有此等事矣公曰後勿
如是對曰諾未幾又以足擲之公又驚覺而責之少頃又
以手足或打或擲公不堪其苦乃曰汝可入而宿妾則不
可與同寢矣新郎仍捲其寢具荷而入內則時其家族盡
婦女之來者適留宿於新房中夜三更驚起而避新郎高
聲而言曰諸婦女皆急避而獨留俞書房寢可也云云如是
之故妻家上下皆厭苦之申公按海藩也內行將率去而

使俞卽陪來嬀婦請曰俞卽不可率去姑留之使吾女暫
時休息可也公不許而率去矣及墨進上時公呼俞卽而
問曰汝欲墨乎對曰好矣公指而言曰任自擇去俞卽躬
自擇之大抵墨百同別置該監押將前奏曰若如此則進
上恐有關封之慮矣公曰使之急之更遣俞卽還至書堂
并分給下隸無一餘者云俞卽卽俞相國拓基也享年八
十而偕老位至領相子有四人家又富果符申公之言其
後俞公為海伯率女嬀洪南屏蓋三而去矣又謫墨進上
時呼洪卽而使之任自擇去則洪卽擇其大折二同中折
三同小折五同而別置公曰何不加擇之洪卽曰凡物皆

有限小壻若盡數擇之則進上何以為之洛下知舊何以
問之乎小壻則十同優可用矣公睨視而笑曰賢莫賢矣
可作蔭官之材云矣果如其言

進米泔柳疔聽街言

柳疔者 廟廟朝名醫也尤精於痘疫方人家小兒之救
活者甚多有一中村家甚富饒而世寡居只有遺腹子一
人年纔十六七歲而未經痘者也其母買舍於柳醫之門
前托兒於柳醫饌品之新出酒肴之豐潔逐日饋之如是
者數年朝夕不怠柳亦憐其心而感其意率置其兒而訓
之矣一日其兒患痘而初出之日已是不治之症也柳醫

矢于心曰吾若不得救出此兒不敢復以醫術自處矣藥
燿五六箇羅于前分溫涼熱冷補瀉之劑而別煎之隨症
之變而用矣一日似夢非夢間一人來呼柳醫之名曰汝
何為而汝救此兒之病也柳曰此兒家情景可矜汝救活
矣其人曰汝欲活乎吾則汝殺之矣柳醫曰汝何為而
汝欲殺之其人曰此是與我有宿惡故也汝不汝用藥云
云柳醫曰技窮則未知其如何而吾技不窮矣汝雖欲殺
之吾則汝欲活之其人曰汝第觀之其人有惡氣而出門
柳醫連用藥餌艱辛至二十日其人又來而問曰從今以
後汝其可活此兒乎汝第觀之仍出門而去矣少焉門外

喧擾內局吏隸及政院下人喘息而未言上候以痘症
不手斯速入侍連忙催促疾馳而去入闕之後仍更不得
出來矣數日間其兒仍不救云矣肅唐痘候極重柳醫
欲用楮尾膏以此稟于明聖大妃殿大妃大驚曰如此
峻癘何可進御乎此則大不可矣柳醫時伏于簾外大
妃在簾內下教汝欲用此藥耶柳醫曰不可不用大妃
殿頓足曰汝有兩頭乎柳醫俯伏而奏曰小臣之頭雖可
斷此藥進御後可以責效矣大妃終不許進柳醫乃袖
其器而入診潛自進之食頃之後諸症差勝而聖候平
復雖賴天地神明之佑而柳醫之術亦可謂神矣其後以

此勞除豐德府使赴任矣一日 肅廟進御軟沱湯而仍
成閑格以撥馬召柳醫入診柳醫同夜上來到新門、姑
未開自門內告于兵曹使之稟而開門往來之際稍遲近
柳醫見城底一草堂燈火熒然乃暫憩于其家矣一老嫗
問于房內之女兒曰俄者米泔水置之何處恐滴於太沱
止矣柳醫怪而問之則對曰米泔水滴於太沱則即時消
融故也而已門鑰出來城門開矣柳乃赴 闕而問症候
則以軟沱而滯也即使內局入米泔水一器微溫而進御
矣滯氣乃降事亦異矣

度大厄朴曄授神方

朴曄之按關西有親知宰相送其子而托之曰此兒姑來
冠而使卜者推數則今年有大厄若置之將軍之側則無
事云故茲送之乞賜留置俾得度厄曄許使留之一日此
兒晝寢曄使之攬睡而言曰今夜汝有大厄汝若依吾言
則可免矣不效則不可免矣其兒曰敢不如命曄曰第姑
俟之日暮黃昏後帝出自家所騎之驃備鞍而使其兒騎
之而戒之曰汝騎此而任其所之此驃行幾里到一處墻
立汝始下可鞍尋逕而行幾里必有一巨剎而年久廢寺
也入其上房則有一大狒皮汝試可蒙其皮而卧有一老
僧來索其皮矣切勿給若至見奪之境則以刀欲割彼不

敢奪如是相持至鷄鳴後則無事矣鷄鳴後許給其皮可
也汝能行此乎對曰謹授教矣乃駢騶而出門則其行如
飛而耳但聞風聲不知向何處度山踰嶺至一山谷之口
而乃立仍下鞍帶微月之光尋草路而行、幾里果有一
廢寺入其寺開上房之戶則塵埃堆積房之下墀有大席
皮一張仍依其言褫皮而卧矣數食頃後忽有剝啄之聲
果一老僧狀貌亮儻者入門而言曰此兒來矣仍近前曰
此皮何為蒙而卧乎速還我其兒不荅而卧自如矣其僧
欲奪之則舉刀作欲割之狀其僧退坐如是五六次相持
之際遠村之鷄聲喔、其僧微笑曰此是朴樸之所為亦

復奈何仍呼起其兒曰今則還皮於我固無妨可起坐其
兒既聞朴曄之言故仍給其皮而起坐其僧又曰汝可脫
上下衣給我切勿開戶而見之也其兒依其言解衣給之
其僧持其衣與皮出門外其兒從牕穴窺見則其僧擧皮
蒙之變為一大帑大群咆哮仍向前啣衣幅之裂之仍還
脫皮又為老僧入戶而開一奩箱出僧之上下衣使服之
又出一周紙軸披而見之以朱筆點其兒之名字仍言曰
汝可出去語朴曄云不可泄天機也汝從今以後雖入虎
群之中決無傷害之慮矣又給一片油紙曰持此以出如
有攔于路者出示此紙其兒依其言出門曲已有帟而遮

路每示此紙則低頭而去未及洞口又有一帋懸前故
出示此紙則不顧而將啜其兒曰汝若如此則與我偕至
寺中決訟于老僧之前可也帋乃點頭與之偕至寺中老
僧尚在道其狀僧叱曰汝何遽令其帋曰非不知令而餓
已三日見肉而何可放送乎雖遽令而此則不可放送矣
老僧曰然則給代可乎曰然則幸矣僧曰從東行半里許
則有一人着氈笠而未可作汝療飢之資也其帋依其言
出門數食頃後忽有叱聲之遠出僧笑曰厥漢死矣其兒
問其故僧曰渠是我之卒徒不從令故俄使往東給砲手
矣蓋着氈笠云者即砲手故也其兒辭而出洞則天曉而

騾斃草矣仍騎而還見朴曄而言其狀曄點而治送其家
其後此兒果大達云爾

樂溪村李亭逢鄉儒

壬戌李參判菴永仍其子義甲之居謫棄官而居卜于樂
溪新舍以畊楊漁獵自娛九月之日秋潦新收穠禾登塲
政是楓菊佳艸李台與六七冠童釣魚於前溪以筍笠携
漁竿混於野老之班忽有一儒生荷青袂曳竹杖而來坐
溪邊問曰君在何處荅曰在於此藪內之村矣其人又曰
觀君金圈無乃納粟同知乎曰然矣其人曰旣納粟則豈
必匾名矣曰豈有匾名矣顧問生自何處人氏而得何過

此其人曰吾在刪中某地矣聞京都之繁華方欲一玩而
來矣過此時聞此藪內京中李參判令監邇冥伯而未留
云然否曰然矣其人曰此令監以厚德君子今世福人有
名於京鄉欲一承顏而無其路矣君亦知此令監乎曰既
居其籬下寧有不知之理耶其人曰若然則能使我通刺
而使得一拜乎荅曰此我鄉居之人何敢薦人於寧相宅
乎此則無奈何矣其人又曰君有子幾人荅曰有七八人
矣其人曰有福之人矣福乃與李參判相同矣仍請烟茶
以草盃置之其人開盃而驚曰此三登草也何處得來
曰既在李參判宅洞內之故得於其宅矣其人曰好矣如

此之尊吾所初見幸許如干乎李台笑而許之以其半給
之其人稱謝曰田下當更訪於此處云而去座中人莫不
絕倒曰此人有眼而無珠矣雖以儻表見之豈或彷彿於
野老乎李台笑曰鄉曲年淺無知之輩無或怪矣吾因此
而半日消遣矣大笑而罷

鏡浦湖巡相認仙緣

江陵有鏡浦臺在湖上湖即鏡湖也十里平湖流穩而
不漲自古以來曾無溺死之患一名稱以君子湖之外
有海與天同大隔一沙堤而駭浪日打未嘗潰決各成一
區亦一異事俗傳湖之基即古富人屋而性吝積穀萬包

一粒不以與人一日門外有一老僧乞糧主人答以爲無
僧正色曰既有前後積峙而以無爲言何也主人怒曰胡
僧焉敢乃爾仍以器盛人屎而給之僧乃開索拜受而去
未幾雷雨大作地忽陷陷而爲湖一門之人無一免者包
穀散而入水皆化爲蛤名曰齊穀江之男女朝暮抹拾以
作歛葬救荒之資云湖之中有紅牆巖紅牆古之名妓也
巡使其巡到時甚嬖之不能忘情每逢本倅媿之言之本
倅即其切友也欲誑之倅言月前已死云爾則巡使茫然
盡傷其後巡到悵然如失忽之不樂本倅以爲今夜月色
正好盍遊鏡湖乎湖是仙區每於風清月白之時往之有

笙簫鸞鶴之聲紅嬌名娼也安知不為仙而隨伴來遊乎
若甫則庶幾一遇巡使欣欣然泛舟湖月觀神瞻望于
時山如畫水天一色蒼葭白露烟消風清夜三鼓忽有玉
幄一羣自遠而來鳴咽若迎若遠巡相側耳而聽整
襟而問曰此何羣也本倅曰此必是海上仙女之遊也使
道女有仙緣而得聞此羣矣且尋拜則似向此舡而來事
亦異矣巡使意欣欣庶遇麝香而待良久一葉小舡隨風
而過有一鶴髮叟星冠羽衣端坐舡上前有青衣雙童橫
吹玉簫傍有一小娥翠袖紅裳捧盃而侍三飄有凌雲
步虛之態巡使如癡如醉注目而視則舡近處宛是紅嬌

仍起身而趨上船頭稽首而拜曰下界俗骨不知真仙之
降臨有失迎候願真仙赦罪老仙笑曰君是上界仙侶謫
降人間已久矣今夜之遇亦一段仙緣也仍笑指在傍之
佳人曰君知此娘乎此亦玉帝香案前侍兒謫降塵世矣
今則限滿而歸矣巡使舉目而視之則果是前日之紅端
而青山乍頻秋波微動如怨如愁殆不能定情巡使乃執
手而泣曰汝何忍捨我而歸乎紅端亦掩淚而對曰塵緣
已盡亦已為我帝皇以相公戀妻之情誠格于天給妾一
宵之暇隨君而未以為一會之期耳巡使對老仙曰既承
玉帝之詔倘許紅端之暇否老仙笑而荅曰既聞命矣姑

與之偕行老夫厭烟火之氣不得近城君須與紅牆同舟
而歸仍戒紅娘曰此亦上界已定之緣須與此人偕入城
中未明時出未則吾當艤船待矣紅牆歛衽而言曰謹奉
教矣老仙起遂巡使及紅牆于舡上一陣清風回棹而去
巡使與紅牆同輿而未遽入寢室其繾綣之情信兩之夢
無異常時睡到日出忽而驚覺意謂紅牆已去矣舉眼視
之紅牆宛在傍而理粧矣怪而問之則笑而不荅俄而然
本倅入來笑而問曰陽治之夢洛浦之緣其樂何如下官
不可與月姥之切矣巡使始知見欺相與大笑蓋本倅已
前期粧出老仙及仙童而欺之故也其所遇宛然如少遊

之於春娘之事也其處有巖名以紅牆此事載於邑誌云

金醫視形投良劑

金應立者嶺右常賤也目不識丁而以神醫名于嶺外其術不診脈而不論症但觀形察色而知其病案所命之藥不異恒用之藥料者李銘之為金山倅其子婦自入門之初咳嗽苦劇李亦曉醫理雜試藥餌少無動靜至於委卧垂盡之境乃邀應立而問之對曰一瞻顏色而後可議藥此則不敢請之事李銘曰今至死境一見何傷使坐于廳招使見之應立入門而熟視曰此是至易之病腸胃有生

物之滯而然也使買餹糖數箇化水鑊和而服之曰必吐

出云矣服之未幾吐出一塊痰剖而視之則中有一小茄子一枚而小不傷敗問于病人則以為十餘歲時摘食茄子一箇誤吞下是此物也云自其後病根遂差李銘之姪婿積年沉痾馱病而未又使應立診視則見而笑曰不必服他藥今當秋節葉落無論某葉擇其不傷朽者數馱以大釜五六箇煎之次一煎至一椀後無時服可也如其言果得效又有一人病如角弓反張應立見而使作紙針刺鼻孔作暖逆狀如是終日而病愈其所命藥皆如是亦可異矣

禹兵使赴防得賢女

禹兵使夏享平山人也家甚貧窮初登武科赴防于關西
江邊之邑見一水汲婢之免役者貌頗免麗夏享嬖之與
之同處一日厥女謂夏享曰先達既以我為妾將以何物
為衣食之資乎對曰吾本家貧而况此千里客中手無所
持乎吾既與汝同室則所望不過澣濯垢衣補縫弊襪而
已其何物之波及於汝乎其女^曰妾亦知之熟矣吾既許身
而為妾則先達之衣資吾自當之須勿慮也夏享曰此則
非所望也厥女自其後勤於針線紡績衣服飲食未嘗
闕焉及赴防限滿夏享將還歸厥女問曰先達從此還歸
之後其將留洛而未仕否夏享曰吾以赤手之勢京中無

親知之友以何糧資留京乎此則無可坐矣欲從此還鄉
老死於先山之下為計耳女曰吾見先達氣像非容儀草
之人也前程優可至間帥男子既有可為之機何可坐
於無財而埋沒於草野乎甚可歎惜吾有積年所聚銀貨
可至六百兩以此贖之可備鞍馬及行資幸勿歸鄉直向
洛下而求仕焉十年為限則可以有為矣吾賤人也為先
達何可守鄴當托身於某處聞先達作亭本道之報則即
日當進謁以是為期願先達保重夏享意外得重財心
竊感幸遂與其女灑淚作別而行其女送夏享之後轉托
於邑底鰥居之校家其校見其人物之伶俐與之作配而

處處頗不貧其女謂校曰前人用餘之財為幾許凡事不可不明自為之穀穀為幾許錢帛布木為幾許器皿雜物為幾許皆列書名色及數文而作長件記校曰夫婦之間有則用之無則措備可也何嫌何疑而有此舉也女曰不然盍請不己校乃依其言書而給之女受而藏之衣冠勤於治產日漸富饒女謂其校曰吾粗解文字好者洛中之朝報政事君盍為我每二借示於倚中乎校如其言借而示之數年之間政事宣傳禹夏享至簿禹夏享由往歷而陞副正乃除閑西腴邑矣其女自其後只見朝報某月日某倂禹夏享辭朝矣女乃謂校曰吾之未此非久留計

矣。從此可以永別矣。其校榜賦問其故。女曰：「不必問事之本末。吾自有去處。君勿留。」遂乃出。向日物種長。件記以示之。曰：「吾於七年之間。爲人之妻。理家產萬一。有一箇之減於前者。則去人之心。豈能安乎？以今較前事而無減。或有二三四倍之加數者。吾心可以快活矣。仍與校作別使。一雇奴負卜而作。男子粧着蔽陽子。徒步而往。夏享之。郝時夏享莅任。纔一日矣。托以訟民而入庭。曰：「有所白之事。」顧升階而自活。太守恠之初。則不許。求乃許之。又請迎。應前太守尤恠而許之。其人曰：「官司倘識小人乎？」太守曰：「吾新到之初。此邑之民何由知之？」其人曰：「獨不念某年某地。」

赴防時同處之人乎太守熟視而大驚急起把手而入于
房問之曰汝何作此樣而來也吾之赴任翌日汝又來此
誠一朗會彼此不勝其喜共叙中間阻滯時夏享喪配矣
因以其女入處內衙正堂而招家政其女撫育其嫡子指
使其婢僕俱有法度恩威並行衙內洽然稱之每勸夏享
托于備局吏給錢而得見每朔朝報女見之而揣度世
事時享之未及為銓官而未久可為者必使厚饋如是之
故其宰相東朝則極力吹噓歷三四臆邑縣計漸饒而饋
問尤厚次之陞遷位至鄴度使而年近八十以壽終鄉第
其女治喪如禮過成服謂其嫡子喪人曰令監以鄉谷武

升位至亞將位已極矣壽過稀年壽已極矣有何餘憾且
以我言之為婦事夫自是當然底道理何女自矜而積
年費盡誠力贊助未仕之方得至于今吾之責已盡矣吾
以邈方賤人得備小室於武寧享厚祿於列邑吾之榮亦
極矣有何痛寃之懷今監在世時使吾主家政此則不得
不然而今喪主如是長成可幹家事嫡子婦當主家政自
今日請還家政嫡子與婦泣而辭曰吾家之得至于今皆
庶母之功也吾輩只可依賴而仰成今何為而遽出此言
也女曰不可不如此是家道亂矣乃以多少物件器皿錢穀
等屬成件記一并付之嫡子婦使處正堂而自家退處起

遽一間房曰自今日一入不可復出仍闔門而絕粒數日而死嫡子輩皆哀痛曰吾之庶母非尋常人何可以庶母待之初終後葬事待三月將行之別廟而祀之及兵使之奮期已迫將遽柩擔軍革不得舉雖十百人無以動諸人皆曰無或係應於小屋而哉耶仍治其小屋之鞠行嚙之同發則兵使之柩即輶輦而行人皆異之葬于平山地大路遽西向而葬者兵使之墳也其在十餘步地東向而葬者其小屋之墳之耳

兇大禍巫女賽神

杓叅判詛以備衣行嶺南到普州聞首鄉連四五等仍仕

而行不法之事期於出道日打殺方向邑底未及十餘里
地日勢已晚又有路邁偶入一邸頗精潔升堂有一十
三四歲童子庭之上座其作人聰慧區處收馬使之喂之
呼奴備夕飯人事凡百儼若成人問其年而且問是誰之
家則荅曰時座首之家也問汝是座首之子乎曰然矣汝
翁何處去曰方在邑內任所矣其應接詳而敬謹柳奇愛
獨語于心曰奸鄉有虜馨兒云矣至夜就寢忽有攬之者
驚覺則燈火荧然前置大卓魚肉餅餌酒果之屬皆兩排
笑起而訝之問此何飲食其兒曰今年家翁之身數不吉
必有官災云故招巫而禳之此其所設也茲敢接待喜主

顧少下著柳忍笑而臨之。久飢之餘腹果而氣蘊。其翌日
辭而入邑。底出道拿入其座。首數其前後罪惡而仍言曰
吾之行此欲打殺汝者矣。昨宿汝家見汝子大勝於汝
笑。既席汝家飽汝之酒食而殺之。非人情。仍嚴刑逮配。而
故柳台每向人道其事曰。巫女禱神亦不虛殺座首之神
即我也。以酒內禱之於我而免禍。儘懷絕倒云爾。

訥輦路忠僕鳴寃

榮川儒生閔鳳朝有一子過婚。未一年而身死。其孀婦朴
氏女而亦有誰閔之。郎也執喪以禮而孝奉舅姑。隣里稱
之。未時辛童奴一人而名則鼎石者閔家素貧窮。朴氏躬

自紡績使奴隸汲朝夕之供未嘗闕焉隣居有金祖述者亦有班名家計累萬金富者也從篋間偶見朴氏之妍美心欲之矣一日閨生欲出他借著揮項於祖述之房矣祖述乘其不在房使人探知朴氏之寢房帶月著聰冠而入其房時朴氏獨在其寢房、與其姑之房隔一壁而間有小戶矣朴氏睡覺聞牕外履聲又見窓間月色下人影心竊疑脚潛起開戶而入其姑之房姑怪而問之密語其由姑婦相對而坐萬石者為祖述之婢夫宿於其房寂無一人矣忽於戶外有人厲聲曰朴房女與吾有私亦已久矣斯速出遂云、其姑疾聲呼洞人謂曰有賊人來云隣家

之人舉火而求祖述仍還歸其家朴氏姑婦知其為祖述也閨生歸未聞其言而憤不勝欲呈訴于宦而恐致所聞之不好仍姑忍之其後祖述又揚言于洞中曰朴氏與吾相通孕已三四朔矣云々傳說藉朴氏聞之曰今則可以呈官而雪耻矣以裳掩面而入宦庭明言祖述之罪惡又言自家受誣之狀時祖述行貨於官屬且一邑官屬俱是祖述之奴屬也刑吏輩皆言此女自求行淫所聞之出亦已久矣云本倅尹彛鉉信聽官屬之言以為汝若有貞節則雖被誣於人久則有脫何乃親入宦庭而自明乎退去可也朴氏曰自宦若不下白而嚴處金哥之罪則妾當

自刎於此庭下矣仍拔所佩小刀而辭氣慷慨本倅怒而叱曰以此而恐動吾乎汝若欲死則以大刀自刎於汝家可也何乃以小刀為也斯速出去仍使官婢推肯而逐出官門之外朴氏出門放聲大哭以其小刀刎其頸而死見者無不錯愕本倅始乃驚動使之運屍而去閔生不勝其忿入庭而語多侵逼本倅以土民之肆惡官庭侵逼土主報營閔生移囚于安東府矣其奴萬石者以其狀上京鳴金于 駕前有下該道查啓之 判府行查則祖述以累千金行賂於洞人及營邑之下屬至於朴氏之死非自刎而羞愧於孕胎之說服藥致死云而實藥之嫗賣藥之商

皆立證此亦祖述給賂於老嫗及商人而然也獄久不決
拖至四年之久閔家以朴氏之屍不斂而入棺不覆蓋曰
復此誓之後可改歛而葬之而置越房者四年而身體亦
無傷敗而如生時入其門亦無穢惡臭而蠅蚋亦不近亦
可異矣奉化倅朴時源即其再泛甥妹聞也往哭其廬迨
啓棺蓋而見之則如生時無異云矣萬石為金孝婢夫生
一男一女矣當此時適其妻而訣曰汝主殺吾主即誓家
也夫婦之義雖重而收主之分亦不輕汝自還歸汝主吾
則為吾主而死也云而絕之奔走京鄉汝欲復誓乃已及
金判書相休之按鄴時萬石又上京鳴金 啓下本道更

定查官而窮覈則閨家擔來朴氏之柩於查庭而中有裂帛之拜閨家入舉按蓋而欲視之查官使官婢驗視則面色如生而頰有紅暈頸下尚有劍刺之血痕腹帖于背而肌膚堅如石小無腐傷之意藥物賣買之商及老嫗嚴鞫問之則始吐實曰祖述各給二百兩錢故如是為言云自營門以此狀聞祖述始伏法朴氏旌閨萬石給復嶺之士立記萬石之忠

畏嚴舅悍婦出矢言

安東權進士某者少詆厲饒性嚴峻治家立法有獨子而娶婦、性行妬悍難制而以其舅之嚴不敢使氣權如有

怒氣則必鋪席於大廳而坐或打殺婢僕若不至傷命則
必見血而止以此如鋪席於大廳則家人憐、知有其女
死之人也其子之妻亦在於隣也其子為見其妻父母而
行故路遭雨避入於店舍先見一少年人坐於廳上而展
有五六匹駿馬婢僕又多若率內眷之行見權少年與之
寒暄而以酒肴饌益勸之酒甚清冽肴又豐旨相問其姓
名與店處權少年對以席先末少年則只道姓氏而不肯
言所在處曰偶有過此避雨入此店幸逢年輩佳朋豈不
樂乎仍與之酬酌以醉為期權少年醉倒先睡夜後始覺
舉眼審見則同盃之少年已無形影而自家則卧於內室

而傍有素服佳娥年可十八九容儀端麗知其非常賤而
的是洛下卿相家婦女也權生大驚訝問曰吾何以卧於
此處而君是誰家何許婦女在於此處乎其女子羞泣而
不荅叩之再三終不開口最後過數食頃始低聲曰吾是
洛下門地繁盛之仕宦家女子十四出壻十五喪夫而嚴
親又早世男兄主家矣兄之性執滯不欲從俗而執禮使
幼妹寡居也欲求改適之則處宗黨之是非大起皆以汚
辱門戶峻辭嚴斥兄不得已罷議仍具轎馬馱我而出門
無去向處而作行轉而至此其意以為若遇合意之男子
則欲委而托之有家因以避之以避諸宗之耳目者也昨

夜來君之醉而使奴子負而入卧於此處而家兄則必也
遠走因指在傷之一箱曰此中有五六百銀子以此使作
妻衣食之資云身權生異之出外視之則其少年及許多
人馬並不知去處只有蒙孩之童婢二人在傷生還入內
與其女同寢已而思量則嚴父之下私自卜妻必有大舉
措且其妻婢妬之性必不容此將奈何千思萬量字無
好箇計策反以奇遇之佳人為一大頭痛待朝使婢子謹
守門戶而言于其女曰家有叩親故當奉稟而寧去姑少
俟之中飭店主而出門直向親明中有智慮者之家以稟
告之願為劃策其友沈吟良久曰大難之案無好策而

第有一計君於敝家之數日吾當設酒席而請之矣君於
翌日又設酒筵而請我、自有方便之計矣權生依其言
故辭之數日其友人遂伴息請以適有酒肴諸益畢會此
席不可無兄、須賁臨云、權生稟于其父而赴席翌日
權生稟于其父曰某友昨日置酒有邀而酬答之禮不可
闕也今日略具酒饌而請邀諸友則似好矣其父許之為
設酒席而邀其人且邀洞中諸少年諸人皆未先拜見於
權生之父老權曰少年輩迭相酒會而一不請老我此何
道理其少年對曰尊丈若主席則年少侍生坐卧起居不
得任意為之且尊丈性度嚴峻侍生輩暫時拜謁十分操

心或恐其見過何可終日侍坐於酒席尊丈若降臨則可
謂殺風景矣老權笑曰酒席豈有長幼之序乎今日之酒
我自為主矣擺脫拘束之儀終日湛樂君輩雖百番失儀
於我、不汝責矣盡歡而罷以慰老夫一日孤寂之懷也
諸少年一時敬諾長幼雜坐而舉觴酒至半酣其多智之
少年近前曰侍生有一奇談古事請一言之以供一噱老
權曰古談極好君誠為我言之其人乃以權少年之客店
奇遇作古談而言之老權都、稱奇曰異哉、古則或
有此等奇緣而今則未得聞也其人曰若使尊丈當之則
當何以處之中夜無人之際絕代佳人在傍則其將近之

乎否乎既近之則其將率富乎抑棄之乎老權曰既非宮
刑之人則逢佳人於黃昏豈有虛度之理也既同寢席則
不可不率富何可等棄而積惡乎其人曰尊丈性本方嚴
雖當如此之時必不毀節矣老權掉頭曰不然、使吾
當之不得不毀節矣彼之入內非故為也為人所欺此則
非吾之故也年少之人見美色而心動自是常事彼女
既以士族行此事則其情憾矣其地窮矣如或一見而棄
之則彼必含羞含冤而死矣豈非積惡乎士夫之處事不
可如是踉蹌矣其人曰又問人情事理果如是乎老權曰
豈有他意當但不作薄倖人可也其人笑曰此非古談即

胤友日前事也尊丈既以事理當然再三賢言而有教今
則胤友庶免罪責矣老權聽罷半晌無語仍正色厲聲曰
君輩皆罷去吾有處置之事矣諸人驚恟而散老權仍高
聲曰斯速設席於大厅家中人皆悚然不知將治何罪何
許人矣老權座於席上高聲曰急持刀以來斫奴子惶忙
承命置斫刀及板於庭下老權又高聲曰捉下書房主伙
之所刀板奴子捉下權少年以其項置之刀板老權大叱
曰悖子以口尚乳臭之兒不告父母而私畜少妾者此是
亡家之行也吾之在世猶尚如此况吾之身後乎此等悖
子留之無益不如吾在世之時斷頭以杜後患可也言罷

獬令奴子使之舉趾而研之此時上下惶惶面無人色其妻與子婦皆下堂而哀乞曰彼罪雖云可殺何忍於目前所獨子乎泣諫不已老權高聲而叱使退去其妻驚恟而避其子婦泥首叩地血流被面而告曰年少之人設有放恣自擅之罪尊舅血屬只此而已尊舅何忍行此殘酷之事使累世奉祀一朝絕嗣乎請以子婦之身代其死老權曰家有悖子而亡家之時辱及先祖矣吾寧殺之目前更求螟嗣可也以此以彼亡則一也不如亡之乾淨之為愈也因獬令而使所之奴子口雌應諾而不忍加疑其子婦泣諫益苦老權曰此子亡家之事非一笑以待下之人而擅

自當委其亡兆一也以汝之悍妬女不相容如此則家道
日亂其亡兆二也有此二亡兆不如早為除去之為好也
子婦曰妾亦是具人面人心者矣目見此等光景何可念
及於妬之一字乎若勝尊舅一番容恕則子婦謹當與之
同處小無失和矣顧尊舅勿以此為慮而特施廣盛之恩
老權曰汝雖迫於今日擇指而有此言必也面諾而心則
不睦矣婦曰序有是理如或有近似此等之言則天女殛
之鬼女誅之矣老權曰汝於吾之生前無或然矣而吾死
之後汝必復肆其惡矣此時則吾已不在悖子不敢制此
非亡家之事乎不如斲頭而絕禍根婦曰焉敢如是尊舅

下世之後如或有一分非心則犬豕不若謹當以矢言納
諸矣老權曰若然則汝以矢言書紙以納其子婦書龕歟
之盟且曰一有違背之事子婦父母之內可以生啗矣矢
言至此而尊舅終不信聽有死而已老權乃赦而出之仍
命呼首收分付曰汝可率輜馬人夫往某店舍迎書房主
小宦奴承命而率來行現舅姑之禮拜於正配而使之同
處其婦子不敢出一拜到老和同人無間言矣

入吏籍窮儒成敗業

古有一宰相同有硯之人文華贍敏而屢屈科場祿貧
寒窮不能自存宰相適出補安東倅其友來見乘間而言

曰令監今為安東倅今則吾可以得聊賴之資非但聊賴
可以足過平生矣宰相曰吾之作宰相助君衣食之資可也
何以足過平生也此則妄想也其入曰非為令監之多給
錢財也安東都書官所食夥多以此給我則好矣宰相曰
安東鄉吏之邑也都書官吏役之腹窳豈可空然許給於
京中之儒生耶此則雖官威恐無以得成矣其人曰非為
令監之奪而給之也吾先下去虛付吏案既付吏案之後
有何不可之理耶宰相曰君雖下去吏案其可容易付之
耶其人曰令監到任後民訢題辭順口呼之刑吏如不得
書之則罪之汰之又以此等刑吏之隨廳治首吏每如

此則自有可為之道凡于公牒文字如出吾手則必稱善如是過幾日出令以刑吏試取無論時仕及閑散文筆可堪者并許赴而試之則吾自可茲居首而得為刑吏矣為刑吏後都書負一庫分付則好矣若然則外間事吾當隨歸而進矣令監可得神異之名矣曰然則第為之也其人先期下去稱隣之逋吏守食旅舍往來吏廳或代書役邑或代看檢文書人既詳明文算又優如諸吏皆待之使之寄食於吏廳庫直而宿於吏廳諸般文字與之相議新官到任後盈庭民訴口呼題辭刑吏未及受書則必捉下極棍一日之間受罪者不知其數至如報狀及傳令必執頃

而嚴治又拿入首吏以刑吏之不擇每日治之以是之故
吏廳如逢亂難刑吏無敢近前凡文案去來此人之筆迹
如入去則必也無事以是之故一廳諸吏唯恐此人之去
也一日本倅分付首吏曰吾松在洛時聞本邑素稱文鄉
以今所見可謂寒心刑吏無一人可合者自汝廳曾時仕
吏及邑底人之有文筆者試才以入首吏承命而出題試
之以諸吏文筆入覽則此人居然為魁矣仍問曰此是何
許吏對曰此非本邑之吏即隣邑退吏來寓於小人之廳
者也乃曰此人之文筆最勝聞是隣邑吏役之人亦有無
妨其付案而差刑吏也首吏依其言而為之自是日此吏

獨為舉行自其吏之為刑吏一未有致責治罪之舉自首吏
以下始乃放心廳中無事及到差任之時特兼都書負而
私行無一人敢有是非者其吏畜一妓而為妾買家而居
每於文牒私行之際必歸外間所聞密置席底而出本倅
暗出見之以是之故民隱吏奸燭之如神民吏皆惴伏明
年又使兼帶都書負兩年所得殆至萬餘金暗還送京
第本倅瓜違之前一日夜因棄家逃吏廳私皆連首吏
入告則曰與其妻偕逃乎對曰棄家棄妾單身逃走矣曰
或有所通乎曰無矣曰然則亦是恠事自是浮屠蹤跡任
之可也云矣其人還家買宅買土家計甚饒後登科累典

州邑云々

江陽民其立清白祠

李副學東泰初除巖伯辭不赴上怒之特補陝川郡邸人未見則絕火已數日矣所見問迫以一斗粟一級青魚數束頻入送于內矣公下直而出見白飯魚湯問邸人以此送何得邸人以某對公正色曰何可受下隸無名之物乎仍以其飯羹出給却人及到郡無一毫所取治民以誠時值大旱一道皆祈雨而無驗公行礼後仍伏於壇下暴陽之中矢于心曰不得雨則以死為期只進米飲而數日心禱矣第三日之朝一朶黑雲出於所禱之山上輒時大

兩注下一境周洽接界之他邑無一點兩之過境者一道之內陝川一境獨占大登吁亦異矣海印寺有紙役寺僧每以此為痼弊矣有公上官之後一張紙曾不責出矣一日適有修簡事以簡紙三幅覓納之意分付寺僧矣各房僧齊會每人一次搗砧以寸幅束納之則公命挺入寺僧之來者分付曰自官既有三幅之分付一幅加減俱罪也汝何敢加數束納乎仍拔置三幅而還給七幅其僧受簡而出給官隸則俱不受不得已掛之外三門楣上而去伊後公適出門見而恠之問知之笑而使置案上矣避敏時見之則加用一幅餘六幅置簿於重記公於暇日遊海印

寺見題名之多指龍湫上特立之巖曰此石面題名則好
矣而石立於水深處無接近處似無以刻之云矣諸僧徒
聞此言七日齋戒而禱于山神時當五月潭水冰合仍以
木作梯而刻之遶故時邑中大小民遮路曰願留一物以
為永世不忘之資云々公曰吾於汝邑一無顧身之物而
製一道袍矣以此出給即慶布也民人輩以此立祠而號
曰清白祠至今春秋享以俎豆焉

興元士送遊青鶴洞

金進士錡叅判銑之第也家在原州興元倉下有獨子年
過二十有才藝一日晝坐有一健夫席白馬赤鬣者備鞍

而耒言曰主人奉邀須即騎此而行可也金生獨見而家人則皆不見乃騎而出門其行如飛度山踰嶺行至一洞口則奇花異草玲瓏異獸即一別界也有一白髮老仙迎笑曰汝於我有緣故使邀耒可從我而學道可也仍留在同學者十餘人而其中高第之可傳道者三人一則自家一則江南人也一則日本大坂城人也洞名即青鶴洞留幾月傳其道仍辭欲其家自此以後瞑目會神而坐則人馬已待令矣往來無常方其時則閉門闔目而坐如睡或至三四日六七八日後始醒家人皆怪之一日往青鶴洞與其師逍遙於山上其師曰欲見汝輩之術可變幻而供

一笑也江南人化白鶴而飛倭人化一大庠而蹲坐自家
則化秋風落葉飄而下其師大笑云一日告辭于兩親
曰吾非久於塵世之人也今將永皈願父母小勿掛念也
又與其妻告訣無病而坐化事近虛謔矣其翁初則知以
為心病矣其後渴搜其子之箱篋則有青鶴洞日記而多
有酬唱及神異之事矣收而藏之不煩之眼目云

率內行竈遷逢雷雨

軍資正李山重之荏杆城也其子恭永之婦有娠荆幾滿
星中申五月也日將欲解媿于本第發京行而恭永護行
笑至竈遷暴雨大注電光雷聲亂人耳目輜馬頻驚恭永

戒從者解轎繩而將以人夫作行轎未及於人肩霹靂一
群過馬頭而擊碎近地之檜木馬驚逸而跳躍轉于岩石
之上沒入于海而轎則已擔矣恭永驚而急下轎於路左
捲簾而見之時其婦適睡昏而不省卒無事而至七月判
書羲甲乃生貴人之生必有神祐而然也年終四歲隨其
大夫人往留水橋外宅矣時外宅內舍遭火災將謀改建
棟樑椽木之材積置後庭判書遊於其下仍椽木而上所
積之木材一時潰下判書乃在其亂木之中家人驚惶皆
以為必無幸矣其外祖亦錯愕不知所為少間使家僮移
木置之於地則三木相交而中如覆盆樣判書俯伏於其

中心驚而面如土色一無損傷處其外祖常言此兒必大達云：

救處女花潭試神術

徐花潭敬德博學多聞天文地理術數之學無不通曉卜居于長湍花潭之上仍以爲辦一日會李徒講論忽有一老僧來拜而去花潭遂僧之後忽有嗟歎不已李徒問其故花潭曰汝知其僧乎曰不知矣花潭曰此是某山之神虎也某處人之女方迎壻而將爲其害矣可憐矣一學徒問曰先生既爲知之則有何可救之道乎花潭曰有三而但無可送之人矣學徒曰弟子願往矣花潭曰若然則好

矣仍授一書曰此是佛經也其家在百里之地某村汝持
此往其家勿先泄而但使之具床卓燭火於廳上使其
處女處之房中而鎖四面門又使健婢五六人執堅勿放
汝於廳上讀此書而勿誤句讀則挨過鷄鳴之時自可無
事矣戒之慎之某人承教而馳往其家則亂絮紛紜問之
則以爲明將迎壻今方受鉢其人入見主人寒暄罷後仍
言曰今夜主家有厄吾爲此而未欲使免焉可如斯如
斯主人不信曰何處過客作此病風之言也其人曰無論
吾言之病風與否過今夜則自有可知之道矣過後吾言
如無靈則伊時敲逐無所不可第須依吾言爲之可也主

人心甚訝然茅依其言鋪設而俟之其女亦如其人之言
處之房內其人端坐廳上燭影之下而讀經矣三更時候
忽有霹靂聲家人皆戰慄走避見一大虎蹲坐庭下而咆
哮其人顏色不變讀經不輟此時其家處女補以放矢限
死欲出諸婢左右執挽則處女跳踉不可堪其虎忽有大
吼而墜破廳前木如是者三矣仍忽不見而處女昏絕矣
家人始收拾精神以溫水灌之口頃吏得甦其人讀罷出
外則舉家稱謝皆以為神人以數百金欲酬其恩其人謝
曰吾非貪財而來者仍拂衣告辭遂拜花潭而復命則花
潭笑曰汝何為誤讀三處其人曰無誤讀也矣花潭曰俄

者其僧又過去而謝我活人之功又曰經書誤讀三處故
啞破廳本以識之云矣其人思之果是誤讀時也

隨京鄉靈鵲知恩

朴綾州右源南在中某邑其婦人見樹上鵲雛之落下者
朝夕飼之以飯而馴之漸至羽毛之成而在於房闥之間
不去或飛向樹林而時來翔于夫人之肩上及移長城
將發行之日忽不知去處內行到長城衙門則其鵲自樑
上噪而飛下翱翔于夫人之前夫人如前飼之飯巢于庭
樹而卵育之去來如常其後移綾州又復如前隨來遶啟
京第亦又隨來及夫人之喪上下啼呼不離殯所及葬而

行喪坐於柩上到山下又坐墓閣上而噪之不已及下棺時飛向柩上啼呼不已仍飛去不知去處雖是微物蓋亦知恩矣時人作靈鷲傳

行宵臆尹弁背義

尹某既有此閑之武弁也性悍毒而又安率薄有文藝出入於時寧相之門宰相多許可者其在湖中也適居憂窮不能自存溝壑適有親知之人與松商以錢貨相去來者尹弁請於其人欲貸用錢而其人以八十兩書標以給使之推用松人慮矣尹弁乃潛改十字書以百字而全州公納錢之上京者搜用矣搜錢失期自完營查庫知其為尹

并之所為朴庵壽之為完伯發送鎮黃校卒以結縛尹并
某以來之意嚴飭而校卒未矣尹并方在囹圄之中其人
未言曰君之當初行事雖不美矣事已至此君則前啣以
前啣一入鎮黃則豈不敗亡身名乎吾則布衣吾當代行
定限以來矣起即備送好矣尹并感泣而代送矣其人受
棍而被囚於獄中使之備給後放送其人無奈何盡賣自
家之田出家產而先報閱式箇月得放還家又以杖毒幾
死僅生鬻仍蕩散而目見尹并之無出處姑俟日後而一
不開口矣其後尹并為端川府使其人始乃貫騎而訪於
千里之外意謂執手致款阻閣而不得入留月餘行資已

離眉債於店主者亦多其人計無所出進退維谷一日聞
本倅出他要於路直前而呼曰吾來久矣尹倅回顧而言
于下隸曰可率入內衙云而去未幾還來叙寒暄後別無
他語其人仍語曰吾之貧窮君所知也以舊日之誼不遠
千里而委來矣阻閣而留月餘食債又多君幸憐而濟之
吾不言向來債矣尹倅聞而頻蹙曰公債如山無暇救君
仍處下處於外而接待極其冷落留數日給病將焉一匹
曰此馬價過數百君可庠去賣用之而又以五十兩贖之
其恩請曰馬是病腳錢又如此其小食債及回糧亦云不
足此將奈何君其更思之尹倅作色曰以君之故積債之

中有此贈也。如非君則可空手而見。過勿多言。仍使之出。去其人大怒。散其錢於庭下。而叱辱曰。汝乃偷以貨喫之。將入於鎮。茫而吾以義氣待汝。而行幾死獄中。萬敗易產。而報其債矣。汝乃今為萬金太守。而吾不遠千里而來。則汝既不邀見。又為冷待。乃以五十兩贈我。此猶不足於來。往之需。古今天下寧有如此許。非人情之賄。漢乎。仍放聲大哭。而出門呼處於通衢之上。對往來之人。而皆言其狀。尹倅聞而憾之。又忿其揚渠之惡。使將校搜驗其行具。則有書傳。即廳帖二張矣。尹倅囚其人。即日發牒行對監司。言曰。下官之邑。捉得御宦偽造罪人。將何以治之。監司曰。自

本邑治罪可也尹倅曰若然則下官可處置乎曰諾仍還
官而打殺之世豈有如此許殘忍非人情之人乎吁亦慘毒
矣

鄭謙齋中國擅畫名

鄭謙齋數字元伯善繪畫而尤妙山水立稱三百年来丹
青絕品求者如麻而酬應不遑時里同開居士人得其
山水三十餘張常珍愛之一日其士人詣槎川李公見其
架上堆積唐板書帙課在四壁上問曰唐板書何如是多
也李公笑曰此為一千五百卷皆吾自辦者也而又曰
人誰知皆出於鄭元伯也京畫師甚重元伯之畫雖博犬

片紙莫不易以重價吾興元伯最親故得其畫最多每於
遊使之行無論多少即付之以以買可親之畫故能致如此
之多始知中原之人真知畫不如此人徒取名也又有一
中筆寫錦唐適未諫齋為肉汙所汚自內甚憂之諫齋
使之持來所汚頗廣即令去其簪積而洗其所汚莊之外
舍一日、氣清爽畫興大發乃開彩硯展錦幅大繪楓岳
於其中燦爛猷悉精彩流動而餘存者有二幅更畫金剛
山極奇妙真絕實也其後錦唐之主來諫齋曰吾適畫興
發動而限無佳本聞君家錦唐來在取作畫本移來焉二
千峰於其中君家婦女大驚駭奈何共人亦知畫於不

勝忭喜致謝僕、歸治珍羞一大具而進之莊其大者以
為獻實以其二幅隨使行入燕持詣畫肆適有蜀僧從青
城山來者見之大加嗟賞絕以稱實乃曰方成新刹欲以
此供佛願以銀百兩買之其人許之將論價之際又有南
京一士見之曰吾嘗增價二十兩請以故我僧大怒曰吾
已論價賣實已決豈有士子見利忘義如此者乎吾亦添
價三十兩取其畫投之火中曰世道人心一至於此吾若
貪此與此人何異乃拂衣而起畫主亦不取百兩價只以
五十兩收云一日比曉睡覺忽有人來叩門迨之入乃一
所親舌人也持一佳筵進曰今將赴燕茲來告別願公暫

加揮灑以臆鄙行章甚時東牕已白朝氣甚爽譙齋乃作
海水飛波怒濤澎湃而着一小船於波面一邊風帆
半亞視之杳然古人謝之而去及入燕肆、主把玩不已
曰此必晨朝所作也精神多在風帆上以廟香一櫃易之
古人取而計香得五十枚長皆數寸以此譙齋輩得譙齋
之畫皆視以奇貨矣

孟監司東岳聞奇事

孟監司甯瑞愛山水遊山時常入楓岳窮探至幽深處有
一庵極淨潔老僧一人年百餘。容貌古健執禮虔恭歲孟
公異之仍留宿將叩其所得僧忽召其出彌謂曰明日叩

吾師之忌日也可設需供沙彌曰唯明曉設蔬食老僧哭之甚哀孟公問曰上人之師何名而道之高何如願聞之老僧凄然久曰公有問之何用隱諱吾非朝鮮人也來自日本師亦非僧即士也始吾之出來也在壬辰之前本國逆吾等八人皆深於計慮驍勇絕倫者使分掌朝鮮八道凡朝鮮之山川險夷道里遠近開隘衝要務要諳記凡朝鮮人之以智略才勇名者皆殺之後惟許復命八人共習鮮語既熟出來東萊僊變作朝鮮僧之服將發之際相議曰朝鮮金剛靈山也必先入此山祈禱然後可分散也遂同行十餘日始到淮陽地見一士着木履跨黃牛出自

山谷同行一人曰吾輩連日尋寺不見食又不喫肉氣力甚微不如殺此人而屠食其牛豕後前進似好皆曰善遂同進士人、曰汝輩何敢乃角汝輩倭國間諜吾豈不知當盡殺之八人大驚拔劍齊進士人騰躍起忽奮拳飛脚疾捷如神頭破肢折死者五人只餘三人遂皆伏地乞生士人曰汝果誠心歸服能死生相隨否三人稽顙輸誠指天為誓士人領歸其家謂三人曰汝輩雖為倭所使欲覘我國智慮淺短技術甚疎其何能為今既盟天歸伏心之誠偽吾可以洞知吾當教以劍術若倭兵來則吾可領汝輩起兵往守馬島足遏賊兵異國樹勲汝輩何厭三人

拜謝遂共受劒術既盡其能服事甚勤士人甚信愛一日
三人同宿於孤菴朝起士人忽為人所害流血滿室老僧
大驚問兩人曰此何事兩人曰雖服事此人盡其劒術同
未八人義同兄弟今皆為其所殺今只餘兩人此大誓也
其可暫時忘耶久欲報之顧無可乘之隙今幸得間何為
不殺老僧大責曰吾輩既度再生遇為兄弟恩義既深情
同父子豈可執仇怨作此事耶痛哭頓仆遂前刺兩人皆
殺之乃於此山為僧得一沙彌孤坐此菴盡過百歲每想
吾師才智之高意氣之深情義之篤愛惜無窮至痛在心
是以當師忌日哀痛輒不自抑久而不衰孟公聽事不勝

感歎曰以尊師之明識神勇乃不知西人者懷不利之心而終至見害何也僧曰吾師豈不知西人之非吉人而愛其才欲以隱見得其死力且其智足以制伏也師謂利才識出類愛之尤甚利之所以遺親戚忘故土而服動不怠者為此也孟公仍請曰上人之鈞術可得見乎僧曰吾今甚老廢而不試已久卒難為之公姑留數日俟吾稍有氣力試為之耳翌日邀孟公至一處有十栢樹大可十圍上干雲霄僧袖出西物團圓如毬用絛堅縛去絛訖見西僧鐵塊卷帖如拳以手平展則數尺霜月先如秋水而卷舒如紙僧把西鈞起舞始也轉動低河頗遲伸而漸見迅疾

揮霍風生久之騰踊飄浮立於空中盤旋去來而已只見
一箇銀甕出沒於柏樹層葉之間掣電閃燐條長條短斲
映巖竪遍是霜刃柏葉紛紛飛落如雨孟公神懷魄慄不
能正視其栢葉多寸斷而樹枝半童矣良久僧方投下之
樹下咄氣數口曰氣衰矣非復少年時也始吾壯時舞劍
此樹之下葉多中破如細絲今則不然金葉者多矣孟公
大異之謂僧曰上人神人也僧曰吾非久死矣亦不忍吾
跡之永泯故為公言如此

種陰德尹公食報

尹公忤為刑曹正郎時金安老當國盜行威福認良民為

奴僕一人子孫數十口皆被秋霜拘囚判書許沆改安老
風旨刑訊根藉寃告功醜勢將誣服尹公獨疑之將彼此
文案反覆參考知其寃枉作一查下之文將欲下旨而適
當歲末啓覆之時公持此入達備前上一覽而即斥金家
盡釋其囚數十繕信之寃一朝快伸矣公年已暮後娶無
子甚憂歎翌年拜南川府使歷辭朝紳夕過廬後橋時日
暮微雨忽有一老翁拜於馬前公不能記謝其人曰小人
良人也嘗為一勢家迫脅將壓良為賤無所告訴賴公之
德子孫數十人皆獲全保此恩刻在心腑常思報效而不
可得然此後癸巳年公當生男子但年命福祿不甚延長

有一事可救得者仍袖出一張紙雙手奉呈公看之紙上
書某年某月日時生男子其左則書壽福貴多男子六字
每行書一字而欄多男子為三字其右有祝願之文而虛
其姓名之位公曰此何為翁曰兒生後公以此紙即往江
原道金剛山楡社寺備黃燭五百支供佛祝願則必有慶
祥隆厚此足為小人報也申囑重祖公方欲問所從來而
翁遽拜謝仍忽不見公大驚異歸家深藏及至癸巳果生
男奇俊公即躬往楡社寺依翁之言厚設供佛而填書姓
名於祝文所虛之處薦于佛前祝願畢取其紙則壽字
可有可羞二字福字下有自處二字貴字下有無此二字

多男子下有皆貴二字凡八字皆汲青細如毛髮而皆楷
正莫知其所以然公九驚異之歸而造橫汲蔭其後兒長
是為悟陰公斗壽也壽至七十八官至領相富有裕足五
子皆貴顯昉領相昕暉皆判書昕知事勲業赫然耀當
世而垂後代孫曾繁昌報辱相襲蔚為大第

往南京鄧商行賈

古有鄧姓一大賈常行廢著於北京而高縱浪費負西關
巡警銀七萬兩自營或囚或釋艱辛營辦並償五萬兩而
尚餘二萬兩其時按使年囚督促而訟計蕩盡更難用力
賈從獄中上言身既係囚徒死而已公私無益請更貸二

萬兩銀三年內當償四萬兩無係度欺按使壯其志奇共
言給銀如數賈即必往海諸邑有義州始而訪問區區就
其隣近而買屋往來留住盡結區人具美饌肯酒共與飲
食區人莫不傾心愛重因以辨辭誘說貸出銀錢多者百
金少者數十金刻期約還及至期即償先或遲滯凡西關
錢銀子母家百數而循環貸贖者幾一年而無一欺誤諸
區人益大信仍大出債銀又六七萬兩盡買人參貂皮仍
以其餘多買健馬盡載之復赴北京其主人舊日大商而
好誼者也賈說之曰若以此貸往南京則當獲百倍之利
矣男兒作事成則身天敗則入地耳爾我知心能從我乎

主人然之快許遂與主人雇一完固船載貨自通州發船
得順風未滿十日達楊州江遇一唐人棹小船而過賈即
與格軍健者數人乘舟追之入小船中縛其人載還解之
備問水程所從入及市貨貴賤人心真偽國禁輕重冠服
有無既詳悉又厚給其人物產以結其心其人太感謝賈
又許以成事後當重報其人指天為誓願為之死遂自楊
州江隨潮而入直至石頭城下唐人之家多在江邊遂泊
下崖翌日賈率船夫之有心計者數人皆以唐製衣服隨
唐人入南京城內十里樓臺簾幙掩映皆是寶肆金貨山
積唐人引賈就一藥鋪細陳此朝鮮人挾重貨可濟市勿

洩舖翁大喜邀未同契富翁約期交貨實歸取人蔘胎皮
羅列舖上一、精新南京藥舖重羅蔘舖翁輸價比本
國可數十倍實大獲財厚給唐人故至燕京以數千金與
主人又分給十餘博夫各千金遂還本國不過數月之間
償納巡營銀四萬兩而又償公海富翁家兼利息無所遺
自享餘屢巨萬遂詣案使告其故餉南貨精貴者五駝案
使大異之歎曰此真大英雄也吾不失人笑薦之寧執用
徑鎮將云

問名卜中路遇舊僕

仁同士人趙陽未者善占筮多奇驗同鄉有友人赴舉詣

趙卜吉凶趙作卦訖咄曰君行當被席覽矣然又當捷科
死而得科世亦有之乎因題占辭曰月明山路席狼可畏
人聞之大怖欲止行趙生曰得科無疑且可發行席啞果
雞避雖在廟焉可免乎邠人壯之遂發行、兩日至一無
人之地適日暮月上忽有一賊踴後猝攻直前曳下邠人於
馬上搥其吭蹙其胸拔劍撻之者數次邠人曰汝之所欲
財也吾之行具及焉任汝所取何女殺我、非汝父衣服
母之誓何至於此賊曰吾豈欲汝財者耶非我父母之誓
吾豈有此哉邠人曰吾一生未嘗殺人豈有與汝作誓
之理乎賊曰計思之邠人曰吾年少時嘗怒一婢子杖之

而忽死此外未嘗有由我死者賦曰吾即婢之子也吾自
母死後為人收養至於長成志未嘗一日忘汝、雖未知
有吾、之伺間久矣今幸得遇於此吾豈捨汝却人曰然
則任汝所為其奴蝶蛉良久擲劍伏地曰今茲相釋矣主
可以行矣却人曰汝既以我為誓何不遂殺汝曰吾聞之
主雖殺吾母旋即悔之每至死日設食以祭此恩亦不可
忘也主殺奴婢為奴者何敢報也顧此債在心曲思欲一
洗今既托主三項擬以白刃雖未相害志可以少伸矣以
奴凌主至於此地罪亦難赦小人今死於主前却人曰真
義士也何可死也可與我同上京吾當善視豈可復懷此

事仍問其名奴曰小人名庠狼但奴托主吮而豈復為奴也劇引釬自決仆于地武人大驚錯愕不覺兩淚之泉湧也至近村言其故一村皆驚出力收瘞武人上京果捷崑科

還金橐強盜化良民

許察訪熒風儀魁梧氣義卓犖名公巨卿莫不折節下之常有事於西閤故時早晨發行至前店不遠忽見路上有鹿皮橐公命僕取來見其中即銀封可數百兩掛之案上至店飯訖仍留不發使僕候於門外察人有求覓者日過午有一人長身槐健而衣服鱗華騎肥馬馳突而至歷問

店中有得鹿皮大囊者乎當厚報矣氣色極蒼荒公問之
召入問其所由失其人曰囊有銀三百兩縛在下鞍上而
馬甚悍驚橫逸奔走不得已下馬控而馳之囊忽墮地不
知失之何處然而過我者得之而當止於此店故試為
歷問而恐未可得公出囊授之且曰三百兩銀非細貨也
故吾不發而待求者果得汝幸矣其人為之大感動叩謝
無數且請曰行次非世間人也此本已失之物願分半獻
之公笑曰吾若利此自可持去何必待汝還之士夫志行
本不如此無復言其人遂請獻之者甚苦公不得已叱退
之其人坐而視囊默然良久忽發聲大哭叫叩號慟哀動

傷人公大怪之問其故久之其人止哭而對曰嗟乎生員
是何人我何人耳目口鼻同也言動起居同也此心胡為
不同公獨為善如彼我乃為惡如此思之至此豈不大可
慟乎我本強人也此去數十里之地有富室我乘夜入室
偷出此銀而恐其追蹤馱之此馬從山谷小路蒼荒疾驅
未暇緊縛及出大路馬又橫走遂辟轡馳走而不覺墮失
當此之時吾心之慙惡當如何哉今觀行次之僕馬行裝
亦太酸寒而視此若糞土且求其主而還之以我視公其
媿慚恨痛又當如何此所以不覺辭淚之俱發自今此心
大改矣願為公懽以沒此身耳公曰汝之改過誠大善又

何可為僕其人曰小人常民也此心既改非公之從而誰
當送也顧勿非之仍問公誰比及其鄉里且曰小人當還
本主銀與妻兒共耒執役以觀公之行事改做是人圖矣
仍拜起招公之僕至店肆買酒肉而饋之即去公亦發去
數日至松都板門店其人與妻及一子耕家產於兩馬已
追及矣公大奇之問處銀之由曰直抵其家招其主還之
矣仍隨公至廣州雙橋村置屋廊底執役甚勤出入常隨
其忠篤無與為比者公甚愛之遂老死於其家

報喜信樞馬長鳴

錦陽尉村隋善知馬一日通出路遇一駝糞馬令從人携

至家見之背曲如山瘦骨稜層即是一玄黃驚鳥耳仍問
曰汝當賣此否其人曰我以人奴駟馬而已不敢知買賣
耳公令給如屋健馬又令擇一健馬以給其人驚曰此一
健馬亦足以當債而健馬又何為也公笑曰雖此兩馬未
足以當半價汝何知須取去併而有禁厚踵門告曰小人
是村巷賤品也公有非常之賜而奴人迷甚受未故不敢
留置未謁奉納云々公召見之具言此馬即曠世逸足汝
不自知故耳汝若知之則今此所給不足當其價千百之
一耳其人荅曰所願成材後事所不敢知初有所買價即
此一健馬足以信從其價健馬死不敢受公嚴教曰考論

價多少貴人所賜汝何敢辭迫令持去令僦人善養之居
數月馬肥大如象馬追神彩駭動人月公每朝請捨輿乘
馬滿路生輝錦陽家曲背馬名滿一時先海朝公竄靈光
馬沒入官先海甚愛之每聘於關中喜其馳驟一日命屏
去御者自騎馳突於後苑馬忽橫逸先海墜地重傷馬遂
奔逸突出疾如飛電人不敢近歷盡關中子門奮迅咆哮
颯聲如箭已失其去處追者千百為群至江上馬已泅水
渡去莫知其所向矣汾西在謫中一日昏時閑坐舍後竹
林中忽有馬嘶聲使人出見之即曲背馬也背有御鞍而
鞅轡纓絡皆盡而只有木韉在耳公大驚曰此馬入禁中已

久今忽逸來避喬運夏牢約無路若武中路更逸則難
尋蹤聲聞一播必添罪案遂令一隸拙地藏馬公親加教
諭曰汝能一日千里來尋舊主畜物之神者我有言汝豈
不聞汝既收身奔逸已有罪又還我府將增我罪今將地
跡沒汝蹤跡藏汝軀若汝今汝若有知其勿叫嘶使外人
知之也今知其事者一人飼之馬遂寂然無一聲若歲餘
忽一日舉首長鳴聲振山岳播聞數里公大驚曰此馬不
鳴久矣忽然大群必有事也呼而仁祖反正之報至即
其日也公遂散放還朝棄之如前其後又有一隸臣往漢
陽者發程既久渡江日期只隔一日而朝廷始覺咨文中

有可改文字諸議皆以為非此馬不可及事甚緊重 仁
廟召公問之公對曰國帑重務臣子性命亦不敢惜馬所
足言乎仍言於驕去人曰此馬到濟上後慎勿喂坊勿與
水草直懸之數晝夜待其休息氣定饋之可活不然馬必
死矣其人領之去而翌日未暮到義州直入納公謹遂昏
倒氣塞不能言急令灌藥救活之降人見其所乘馬皆以
為錦陽宦曲背馬至矣過喂以菊豆如常馬即死云

聞科聲夢蝶可徵

郭天舉槐山校生夜與妻同寢其妻睡中忽泣問之妻曰
夢有黃龍從天降啣着柝屋而去是以泣天舉曰吾聞夢

龍者得第奈我不文何朝起為灌溝洫出田間在路傍有
披襟急行者問之云朝廷新定別詠方急告於嶺南某邑
守令之子云天舉歸語其妻曰夜來君有異夢今日忽聞
科報而吾不諳字亦奈何妻勸令入京天舉再三力辭而
妻力勸惻然纏以紵天舉至京足未到王城莫適所向入
崇禮門至最初巷口即倉谷窮其洞止下擔息憩於一舍
門外其舍人再三出見而去而已未言主人上舍邀之天
舉入見主人具告赴召而初到京無投足之處主人遂令
留住與之同入蓋主人李上舍以宿儒老於場屋科具中
私尊積成卷軸入博時令天舉負而入使之歷考其冊中

與科題同者天舉以校濡僅識其字遂逐卷考之李旣製
呈始搜得題同者數編相似者亦多遂裁折寫呈一篇並
畧解額天舉大喜遂請歸曰吾懷亮軍役與及第何異李
挽留之同入會試又用前法李見落郭登第天舉質朴不
隱其跡每自言其本末官止奉牒正

開官門痘兒升座

靈光邑里有李生者鄉品也其子纔學語患痘役症且危
統一日兒忽蹶然起坐大呼其父姓名曰某來、、父怪
而應之兒曰汝須負兒隨所情而往父曰痘病不可以風
汝將安適兒大哭自爬其痘父惧而負之兒指官門曰可

往這裡父不聽兒又哭父不得已到衙下兒欲入黃堂父
阻之閹吏又攔之兒頓足大呼群達于內太守詰之閹吏
道其詳太守命聽其自入父負兒到堂級兒忽躍下大步
入太守上座兀然隱几而坐怒呼太守小字曰汝何無禮
吾乃汝亡父自吾東遷之時病情不能言家事未得盡囑
泉垓之下遺恨難夷陽界之上層面無階近得疫鬼在邑
下孝生處幸曰密通得成奇遇從此遊魂永謝塵意矣太
守惴慌無措半信半疑兒曰如我不信當說家裡事狀以
驗真偽因道地閣子孫田宅一動一事以詔之果無差爽
太守請罪兒曰汝妹處丁孤苦命道崎嶇我每擬以某處

自郭田十畝以充婚資因病梓劇有意未卒而汝妹一寒
到骨矜惻轉甚汝家饒世業富有豐廩而汝一於妻子三
計罔念同氣之至情此吾所以纏恨包愁特來相戒也太
守泣曰得午不肖憂貽幽達當式後所延坐分資業兒曰
李生之窮瓶無儲粟未辨供神飢餒且甚汝須周貧言訖
而僵倒左右急救良久回甦則兒叱之而泣渾不記佛者
動息也仍輿送于李生家且以米錢厚賚其夕兒病忽痊
云

檀塲屋秀才對策

李公曰踰牆時臥名之士也長於聯驥之文眼高一世未

有許借者一日赴科園因狼狽失侶棲遑於須題板下有
兩傘五六箇團成一隊燈字惟帳極其靚麗冰味妙著厨
溝狼藉李乃披帷而入有一少年秀才隱几坐重氈上十
數書生各持詩卷環坐其傍皆聽秀才之口吟繕寫如飛
秀才左酬右應略無雜色李泛傍竊觀則排叙中竅對耦
精敏箇、成警策矣李大驚曰此世焉有此人請問姓名
秀才頷頰一笑而已篇俱完秀才使一卒呈之卒良久復
曰卷已黜矣秀才又給一卷曰第又繼呈卒又告見落秀
才又呈一卷如是者凡五六遭升墀日未斜矣秀才大笑
而起曰幾篇佳作未被一選天也何容更呈也因捲傘而

出李詰于從者乃知其為北軒金公也

輸官租富民買兩班

杆城有一兩班賢而好讀書每郡守新到必親造其廬而禮之其家貧歲食官糶積至千石郡守則知其貧無以為償不之督而一日觀察使巡到于此閱糶簿大怒曰何許班民乃乏軍餉命因而嚴督之郡守意甚哀之而亦無奈何而班日夜號泣計無所出其妻罵之曰平生好讀書無益縣官租咄咄而班咄咄而班不直一錢其里之富人私相謔曰兩班雖貧常尊榮我雖富常卑賤見兩班則跼蹐屏營匍匐拜庭曳鼻膝行我常如此其僂辱今兩班貧不能

饋糶方大宸其勢誠不能保其兩班我且買而有之遂踵
門而請饋其糶兩班大喜而許之於是富人立輸其糶於
官郡守大驚異之自往勞于兩班且問饋糶狀其兩班遽
豎短衣伏道謁曰補小人郡守大驚下扶曰何自貶辱如
是乎兩班益恐懼頓首俯伏曰惶悚小人非敢自辱已鬱
其兩班以饋糶里三富人乃兩班也小人復安敢冒其糶
號乎郡守歎曰君子也富人也兩班哉富人也富而不吝
也急人之難仁也惡卑而慕尊智也此真兩班雖私相交
易而不立券託之端也利與汝何耶人而證之立券而信
之郡守當自署之於是歸府憲長郡中之士族及農商工

賈恚至于庭富人坐鄉所之右兩班立公兄之下乃為立券
曰某年月日為明文事段亦賣兩班為償官穀其直千斛
維厥兩班名謂多端讀書曰士從宦曰士夫有德為君子
武階列西文階序東是為兩班絕棄鄙事希古尚志目視
鼻端會踵支尻東萊博議誦如冰龍古文真實細寫如荏
忍饑耐寒口不說貧長群喚奴緩步曳履手毋執錢不問
米價暑無跣足飯毋徒髻忿無搏妻怒毋踢哭病毋招巫
祭毋齋僧毋屠牛毋賭錢凡此百行有違兩班持此文記
卞正于官城主杆城郡守押座首別監證署通引踏印戶
長讀畢富人悵然久之曰兩班只此而已耶吾聞兩班如

神仙審如是太乾後願改為可利於己乃改作券曰維天生民其民維四、民之中最貴者士祗以兩班利其大矣不畊不商粗涉文史大決文科小成進士文科紅牌不過二尺百物具備維錢之彙進士三十乃筮初仕猶為名蔭善事雄南耳白傘風腹騰鈴誥宦珥治妓庭訓鳴鶴窮士居鄉猶能忒斲失畊隣牛借耘里氓孰敢慢我仄權世臭鬻髻汰髻無敢惡盜富人奉券而吐舌曰已之、孟狼我將使我為盜耶棹頭而去終身不敢復言兩班事

逢奇緣貧士得二娘

古有一上舍生家在東小門外旅計至貧蔬糲不繼日詣

太學參朝夕食堂以其餘輒歸遺細君日以為常一日乘
昏袖飯而啟中路遇一美女隨後而來生顧謂曰何許女
子隨我而來乎女曰欲與君偕往以奉冥君生曰吾家窶
甚一妻尚患啼飢况可畜妾乎娘若從我立作鬻柔之鬼
慎勿生意女曰死生有命貧富在天否極則泰來時至則
風遂釣渭呂叟八旬載西伯之後車樊雍蘓季一朝佩六
國之相印豈可以一時窮困自斷其平生乎度之不去跟
到其家生不得已留置與之同榻翌日女以所持錢循買
糧沽漿以供朝晡明日又如此自是夫婦飽飢餓錢盡
則女又得徭度了四五朔女謂生曰此地太窮僻不可居

生入處城內未知如何生曰無處可住奈何女曰如欲入
城何患無家一日蒼頭七八人持二轎二馬青衣一小童
降一驢而至女開籠出男女新衣服一件納于女君一件
自着之一件使生着之妻妾各乘一轎生騎驢陪後須臾
至一宅妻妾直入內舍生彷徨外庭軒宇宏傑花卉森列
俄而小奚迨生入內妻在內房妾在越房日用器皿無不
畢具在前奴僕足於使令生曰是誰之家女笑曰看竹何
酒問主居之者即主人也自此衣食裕足居處廣大屋中
之樓面復光江南之富翁不美矣時有李同知稱號者往
往來見其妾而云是近族此外無他來往者矣一日女謂

生曰郎君又欲得一美妾乎生驚曰吾與娘相逢之後賴娘之力一身安富萬事皆足豈有淫蜀之意乎女曰非我求童僕、求我天與不與反受其殃遂力勸之生曰第與內子相議處之妻曰如此之妾雖富十人顧何妨也生諾之一夕有一妙年婦人乘月步來二鬟前導容色絕佳舉止端肅滿帶羞澁之態決非常賤之流生一見驚喜道成雲雨之歡女曰此人即士族婦女也非妾之比也待之以齊體之禮可也生依其言敬待之三女同室閨門雍睦一日李同知者來謂生曰今日政眼君首擬寢郎矣生曰吾之姓名世無知者又無親知孰能舉擬傳者安也

李曰吾目擊政眼君之姓名吾豈不知而已凌隸持政至
叩問曰是某宅寧生貧見其姓名果不謬也心雖驚訝身
即出仕其後節次推遷歷典州牧一日生謂女曰吾與娘
同居已過數十年而今將老且死矣尚不知娘之未歷前
雖秘諱今日且詳言之女獻歡曰李同知耶妻父也妾青
年早廢不識陰陽之理父母憐之一日謂妻曰今夕汝須
出門隨從衣冠男子之初逢者而事之妾顛倒而出與郎
君先逢莫非天緣郎舍之買賣產業之經紀皆妻父之捕
攝也彼女郎今某宰相之女而亦令官前廢婦也妻父與
某宰相親切雖高閣細鎖皆諱之而高俱有青孀心帝矜恤

討論情懷一日妾父告以妾區處之由某亭憫其良久曰
吾亦有此意遂以其女病沒傳訃舅家廬葬山下送適郎
君向者初仕首掇之銓官亦某也生聞罷始歎其奇遇矣
生與妻妾三人白首偕老多產子女屢享全城之奉多見
膝下之榮云

伏園中舊妻授計

丙子胡亂松都商賈之妻有被擄者商賈失其妻號呼喪
性聚銀入藩其妻為馬將軍所畜商賈持銀盤問東人之
隣居被擄者荅云汝妻為馬所絕爰為無贖還之理汝徒
死耳急歸其人猶不能忘顧見其面其隣人曰深藏不出

此事至難但將軍每飲子夜水信其女夜半女令其女取水潛伏其園或見之是甚危道也其人不能情夜往伏園中共妻夜半果至就執其手其妻無言即入去少為復出以小包授之曰我雖無狀失身胡虜亦有一端心情人既懲我以至於此心豈忍然、萬無脫身之路若欲歸則禍必及君須持此歸國買妾當得勝利者千萬保重故國勿遲恐有遲驕急往炊飯伏於村舍可喫三日者賸往仍手指赴邊山程曰彼程有石窟潛伏其處三日而去出則可以免矣商賈如其言急、炊飯往伏石窟中矣翌朝其妻自經於園中所分之處馬大驚以為朝鮮人未發卒搜索

三日乃止其人始出來云

尋古墓牧隱現夢

李監司卷閱即牧隱小子提學種學之裔也少時夢一老人自言我乃汝之牧隱先祖去帝陵小子種學今子孫失其墓樵牧不禁吾甚傷之汝是種學之裔須求訪其墓可也李公夢中不覺拜手致敬曰雖欲求之其道何由老人曰汝求吾文可知遂驚覺恍然莫知其所謂考諸牧隱文集亦無可徵每逢嶺南人輒問牧隱追文有士子言嶺南某邑人家有若干遺文云而無編取覽適出為公山縣監委送人求來詳閱其中提學公墓表云在危山地甚里始

信其夢之不虛還朝之後以玉堂言事坐罷乘閑亟往危
山彷徨境內村閭茫然無涯暮宿一村盤問其主人曰此
迹地亦或有古塚流傳古宰相墳墓形址者否其人曰吾
家後麓亦曾有古塚公遂留宿採問于村氓其墓初有表
石以陰記中多鍾墓田所在故村人拔而埋之盜其田云
遂訪其埋處掘出於墓前尋丈下水田中字畫宛然可考
遂置墓奴而身修其香火

洪斯文東岳遊別界

洪樵牙山大同村人也嘗遊金剛山於外山遇一僧獨行
甚忙問其所向荅曰所居甚遠矣洪欲從之僧曰此非脚

力甚捷不能至也洪園請僧上下看良久曰足行矣遂與
同行涉僻路升降不知為幾里有一峻嶺抵一沙峰下僧
曰此沙軟甚移足稍緩則沒至膝退際耳運步數、可免
此患生從膝隨滑行至上頭路繞山腰至一處路斷下臨
絕壁怕狀神悸對崖相距可丈許僧趄然躍過無難也生
每計從之僧於其半崖懸身仰臥令生躍過投於其懷中
生依其言一跳僧便捉住遂從此進盤回崎嶇到一處即一
別界此景物奇絕田疇肥沃有人居數十家皆僧徒也豐
屋相接泉石四面滿洞皆桱樹象、積槲人、殷實以
生外客能至其貴賤互相延去循瑤供饋可一月餘生欲

歸將尋舊路則可來不可去僧曰此自有路可出即編藁
作兩薦導出洞行數里涉一峻嶺其下即一盤石側卧淨
滑不見其所極僧將一薦輿生而自將其一各負於背卧
於盤石上動搖流下良久始下至地前有一峰雪色嵯峨
峰上有圓石其上有對峙如兩角者僧曰生貪欲見奇事
否即上走峯頭將一石子叩其如角者久之如角者漸屈
釐折俄而縮入復叩其一屈徧又如前者生問此何物僧
曰此為大螺俗名鼓角者在高山絕頂上我國取作軍吹
器云自此幾行三十里出於高城地僧曰此洞名梨花洞
花開時滿洞晃朗如雪朝云

成虛白南路遇仙客

成虛白俱曾在玉署受由南歸其還也適炎夏時傍溪有
樹蔭甚美下馬憩焉忽有一客騎驢而至一小童執鞭而
隨之客下驢亦就樹蔭息之成與語良久覺飢將命食物
客亦命小童取來一柳盃、開有一小兒蒸之爛熟小童
又進一瓢有酒若血虫蛆滿盈又泛數花草客分裂兒肢
體舉而啖之若味果虛白大駭問此何物客曰靈藥也虛
白嚙蹙睨視不敢直視客忽以一肢勸虛白食虛白曰如
此之物素不能食客又舉瓢曰此則可飲否又辭如前客
笑而引飲盡取草細嚼以兒餘者與小童、坐林下食

之坐處稍問虛白托以便問童曰汝主人何人而住在何處童曰不知也虛白曰豈有奴不知主者答曰吾隨行已數百年尚不知為誰某也虛白益驚固問之童曰疑是純陽曰俄者所食何物也曰千歲量麥也酒中尊何名曰虛芝也虛白驚悔就拜暮前曰俗眼瞠昧不識大仙之降臨禮節頗簡死罪、然今茲之奉謁亦非偶童麥虛芝猶可得席否客笑謂童曰俄物尚有存者乎童曰纔已盡食矣虛白刮心懊恨而莫如之何客起揖將行童問所向客曰今向健川時日已西矣僕繫束馬腹客驢瘦小而行亦不甚駛轉眼之間已杳然矣虛白從馬追之後踰一峴已

不見矣

